



**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

3. De lotione pedum

[urn:nbn:de:hbz:466:1-60091](#)

En quo affectu commiserationis & dilectionis fertur Christus in Iudam? plus dolet de eius æterna perditione, quam de dira sibi instantे passione emollire conatur durum cor eius amoris flammis , reducans ei in memoriam beneficium Apostolicæ vocatio- nis: & terrere minis, ob oculos ipsi pones supplicium æternæ damnationis, licet induratam eius prænōset in malo obstinationem. Hoc speculum intuens , zelum sincerum erga omnes etiā inimicos Deo lucrando concipe, licet ingratiti sint, & contumaces, ut possis verè cum Apostolo dicere : Ego libentissimè impendam , & superimpendar ipse, pro animabus vestris, licet plus vos diligens minus diligar : non enim quaro vestram, sed vos.

2. Cor. 2.

III.

De Lotione pedum: Ioann. 13.

I. C hristus surgit à cœna, ponit vestimenta sua , præcingit se linteo, mittit aquam in peluim ad lauandos discipulorum pedes. En quomo- do Filius Dei , qui vti ab ætero de- creuit , ita in tempore descendens ē sinu Patris, surrexit ab accubitu insi- nitæ suæ æternæque beatitudinis, exi- nanti.

naniens & humilians se posuit vestimenta gloriae suae, & præcinxit se linneo humanitatis nostræ, & sic accinxit se ad lauandos nos à peccatis nostris in sanguine suo : nunc insuper se demittit ad lauandos, tergendos, exosculandosque discipulorum, etiam proditoris, pedes : O quam inaudita illa charitas, & humilitas! admirare gratias. age; imitare.

II. Lauat Petro, primum humiliter & fortiter recusanti, tandem minis compulso, & reliquis, etiam Iudæ ipsi pedes, omnibus tanta Domini & magistri sui dignatione conspecta attonitis, & tanto amoris incendio in lacrymas resolutis, excepto Iudâ, callidè obstinatum suum perfidumque animum dissimulante. O quam rarus, quam admirabilis fuit iste profundissimæ humilitatis, & flagrantissimæ charitatis excessus! quod magister discipulis, Dominus seruis, creator creaturis, tam seruile exhibere dignatus sit obsequium, tanto tenerimi erga eos amoris, tam humili corporis habitu, tam amabili yultu, eo fine, ut infinito suo erga eos amori satisfac-

Faceret, ad sui imitationem prouocaret, suo exemplo exstimalaret, gratiam imitandi ijs impetraret? Quis tantum humilitatis, & fraternæ dilectionis exemplum queat non admirari? quis non gestiat imitari? His tamen omnibus non emollitur adamantinum cor Iudæ. Quam verè completum in eo illud; *Impius, cum in profundum peccatorum venerit, contemnit.* Quoties & tibi spiritualiter simile dignationis & dilectionis officium exhibuit, exhibetque roties, animæ tuæ sordes in pœnitentiæ sacramento abluendo? caue ne ingratum Iudam imiteris, sed reliquos discipulos, mirificè tali exemplo ad redamandum & æmulandum tam pium Dominum inflammatos: Et supradictos affectus, admirationis, gratitudinis, amoris cum desiderio imitandi renoua.

III. Peracta lotione resumens vestimenta sua, iterumque accumbens, facti sui rationem reddit, ad imitandum suauissimis efficacissimisq; verbis eos exhortans: *Scitis quid fecerim vobis, Exemplum dedi vobis, ut quemadmodum ego fui in vobis, ita & vos faciatus.* En quâ energiâ, quo affectu, quod docuerat exemplum, nunc inculcat illis, & nobis,

ver.

verbo, hoc nimis præceptum suum
de fraterna dilectione, cum intima hu-
militate coniuncta; sciens, hoc esse
maxime necessarium, fructuosum, me-
ritorium, & medullitus optans, ut ac-
curata eius obseruatione, & ingentes
gratiæ & gloriæ thesauros nobis accu-
mulemus, simulque proximos nostros
hoc mutuæ dilectionis hamo è pro-
celloso huius mundi pelago ad optatū
æternæ salutis portum trahamus. Cur
imitari pigrat, quod admirari dele-
stat?

De institutione SS. Eucharistia. IV.
Matt. 26. Luc. 22.

I. Christus Dominus præmissa cœ-
na illa typica, & pedum lotione,
sciens, se mox à suis discipulis diucl
lendum, instituit nouæ legis sacrificiū
simul & sacramentum omnium diui-
nissimum, tot figuris præsignatum, tot
vaticinijs prænuntiatum, consecrando
panem & vinum in corpus suum &
sanguinem, simulque æterno Patri
offerendo & discipulis porrigendo;
idque, licet præuideret tam horrendos
eius abusus, ex gratuito amore, & ar-
denti